

Inatsisartut suleriaasianni § 37 naapertorlugu matumuuna Naalakkersuisunut apeqqut imaattoq saqqummiuppara.

**Naalakkersuisunut apeqqutit:**

1. Ukiussamut Royal Greenland-ip suliffissua Qasigiannguaniittoq qanoq pilersaaruteqarfigineqarpa?
2. Qerititsivik immerluaarneqarluni minnerpaamik qaammatini 3-ni 4-ni ataavartumik immunnut 120-nut suliaqartitsisartoq ukiut siulii assigalugit immerniarneqarnerluni?
3. Qeqertarsuup tunuaniik suliaassanik immersorniarsinnaanera ajornartorsiutigineqarpat avannaanni ulikkaartuunnginnissaq siunertaralugu qeritiinnakkat nunami suliaasinnaaneri siunertaralugu qanormita iliuuseqalersapat?

(Jess Svane, Siumut)

**Tunngavilersuut:**

Taamatut apeqquteqarninnut tunngavigisara tassaavoq ulluni qaninnerpaami suliffissuarimiik angerlakaatitsineq aallartissimammat. Holdilu ataasiinnaq massakut sulisinneqalissasoq siunertarineqarluni.

Qasigiannuit Royal Greenland-ip qerititsivissua imaalitsiaannaq ulikkaarsinnaanngittoq naluneqanngilaq. Taamaammat immerneqarlualarsimatillugu sulisut ukiuunerani ataavartumik sulisinneqartarnerat takornartaanani. Uanimi eqqartorpagut sulisut minnerpaamik 120. Unittoormilulu ilaqutariippasuit illoqarfiup innuttaasa affapajaavinik oqaatigineqarsinnaasut eqqorneqartarput. Tamanna imaannaanngilaq.

Paasinarpoq tulaassisussaatitaaneq pigaluartoq avataani pisat procentiata aalajangersimasoq suliffeqarfimmut allamut yulaanneqartartut. Tamanna pillugu avannaanniit sikuallaannginnerani soorluuna periarfissaqartoq iliuuseqarnissamut.

Tamanna pissutigalug ilanngullugu siunnersuutigissuara Upernavik-miik kiisalu Uummannaq-miit qerititsiviit ulikkaartuunnginnissaanik siunertaqartumik sikunnginnerani periarfissaqarmallu kujammukaassisoqarnissaa siunertaralugu piaarnerpaamik iliuuseqartoqarnissaa.

Apeqquteqaatimma ullut suliffiusut qulit iluanni akineqareersimanissaat kissaatigaara.